

335/2
Luganda
Paper 2
July/August 2022
2½ hours

BUGANDA EXAMINATIONS COUNCIL MOCKS

Uganda Certificate of Education

LUGANDA

(OKUSOMA BWINO, EBY'OBUWANGWA NE LITULICA)

OLUPAPULA OLW'OKUBIRI

ESSAAWA BBIRI N'EKITUNDU (2½ HOURS)

EBIGOBERERWA:

- *Olupapula luno lulimu ebitundu bisatu A, B ne C.*
- *Ddamu ebibuuzo bitaano (5) awamu*
- *Ddamu ebibuuzo byonna mu kitundu A ne B.*
- *Mu kitundu C, ddamu ebibuuzo bisatu(3) byokka; ng'ekimu ku byo kya bitontome.*

EKITUNDU A

1. Soma ekitundu ekikuweereddwa n'oluvannyuma oddemu ebibuuzo ku nkomerero yaakyo.

Edda omuntu bwe yabanga ava mu kibuga ng'agenda okukyalako mu kyalo ng'atwala ebintu omuli ssukaali, emigaati, sabbuuni n'ebirala ate nga bw'asiibula adde mu kibuga nga bamutikka ensawo z'emmere n'ebirala ebiriibwa eby'abeeranga mu byalo. Kati emmere eva mu kibuga n'etwalibwa mu byalo naddala nga wabaddeyo ng'embaga oba ennyimbe.

Kino kiraga **akatyabaga** eggwanga lye koolekedde olw'abantu okudduka mu byalo ne beeyuna ebibuga. Abantu abakulu abatakyesobola, be basigadde mu byalo. Abavubuka abandibadde balima ebibanja **baabitunda** dda ne bagula pikipiki kwe basiiba nga **baleppuka**, abatabitunda ebibanja **nsiko gy'olaba**.

Abantu bafumbekedde mu Kampala n'abatalina kye balya oba okukola ate tebaagala kudde mu byalo gye basibuka nga **bagamba nti tebalina** we batandikira abandi nti baatamwa enkumbi ate nga **bebalya gyebirima, kitalo!**

Embeera eyo mu kibuga kati **nayo ekyuse nnyo naddala abagagga** bwe batandise okugula buli katundu abantu abawansi mwe babadde bayiiyiza, ekiviiriddeko abamu okufuukira ddala **bakireereese**. Kino kivuddeko n'obumenyi bw'amateeka okweyongera ng'abatalina mirimu banoonya engeri gye baneeyimirizaawo mu nsi eno.

Abavubuka bafuuse ababbi, abafere, n'abalimba ate abawala ne bafuuka bamalaaya n'abalala okukola obulimulimu **obutabagyamu**. Mu mawanga amalala, abantu tebamala gava mu kitundu kimu kudde mu kirala awatali nsonga nambulukufu. Enkola eno esaana etandikibwe mu **ggwanga lino**. Buvunaanyizibwa bwa Gavumenti okulaba ng'eyagazisa abantu **okubeera mu byalo ng'ekola engundo**, okubunyisaayo amasannyalaze, amazzi amayonjo, **amasomero n'eby'obulamu** ebirungi. Abantu bakomye okulowooza nti tuli bulungi balina **kujja mu Kampala**, olaba ne Ssenyiga omukambwe owa "COVID-19 bweyabaluka mu **ggwanga**, abantu baalemere mu kibuga olwo nebakaabiranga Gavumenti ebayambe abamu ne bafuuka bakasobeza ne balya n'ebiwata; kyewuunyisa!

Bwebaba bagaanye okuddayo mu bulungi mu byalo, waakiri Gavumenti **ebakake** ku kifuba, buwaze ebazzeeyo, ekibuga kifune wekissiza omukka nga kiwonye abangi abatalina kye bakola. Ggwe olaba otya? Twesunga okulaba ng'embeera ezzeeyo nga bweyali

Ebibuuzo

- 1(a) Ekitundu ky'osomye kiwe omutwe ogukituukirako obulungi. (obubonero 02)
- (b) Nyonnyola ensonga ssatu (3) eziraga akatyabaga eggwanga lye koolekedde. (obubonero 06)
- (c) Menya amagezi ga mirundi esatu (3) Gavumenti g'eyinza okusala okuzza abantu mu byalo. (obubonero 03)
- (d) Ne mu kibuga embeera mbi! Nyonnyola. (obubonero 04)
- (e) Mbeera ki omuwandiisi gy'ayogerako gyeyeesunga okuddamu okulaba? (obubonero 02)
- (f) Nyonnyola amakulu g'ebigambo bino nga we bikozeeddwa mu kitundu ky'osomye. (obubonero 04)
- (i) akatyabaga (ii) baleppuka (iii) bakireereese (iv) ebakake
- Mu bibuuzo ebiddako (g, h, i, ne j) wandiika ekyokuddamu mu bufunze ddala. (obubonero 04)
- (g) Omuntu afuuse kasobeza yafaanana atya?
- (h) Kiki ekituukawo ng'omuntu atalina ky'akola alemedde mu kibuga?
- (i) Mbeera ki eri ku bibanja by'abo abatabitunda?
- (j) Amawanga amalala go galuŋŋamya gatya ku ntambula y'abantu?

EKITUNDU B

Kola 2(a) ne 2(b)

- 2(a) Maliriza engeo zino wammanga. (obubonero 10)
- (i) Agatawulira mukama waago.....
- (ii) Buyisi bw'omu.....
- (iii) Embuulire.....
- (iv)y'alikusambya
- (v)ky'olyako ettooke.
- (vi) Obulangira bw'omunaku.....

- (vii) Ssebaggala miryango.....
- (viii) Nkwatiraako.....
- (ix) Olunatta wambwa.....
- (x) Abantu balamu magoma.....

(b) Makulu ki agali mu ngero zino?

(obubonero 05)

- (i) Basajja mivule giwaatula ne giggumiza.
- (ii) Ekikozza alima kye kimunnyulula
- (iii) Gw'olya naye enkejje enjokerere, y'akuyita ddumabikalu.
- (iv) N'ezikookolima, gaali magi
- (v) Wotannava, tokandulawo nsiisira
- (vi)

EKITUNDU C

Ddamu ebibuuzo **bisatu** byokka ng'obiggya mu butabo obw'enjawulo akamu ku bwo nga ka bitontome. Toddamu kibuuzo kisukka kimu ku buli katabo.

W. MAGOBA : Mbayiwa

Ddamu 3(a) oba 3(b)

3(a) Nyonnyola ensonga eziraga nti Mbayiwa ebizibu byonna ebimutuukako g'abyereetera. (obubonero 20)

Oba

(b) Soma ekitundu kino n'oluvannyuma oddemu ebibuuzo ku nkomerero yaakyo.

Mbayiwa nammwe gubasinga kuba bajjajja baalugera dda nti, "Akajja obunaku keemanya ejjanzi teribuuka na nzige." Kale nammwe mumanyi temulina bwe muli ate nemwessa ku bawala ab'ebbeeyi ne ku bifo ebibasukkiriddeko. Ebyo mubirekere ffe. Ffe tubisobola."

Ebibuuzo.

- (i) Ani ayogera mu mbooji eyo? (obubonero 02)
- (ii) Bisimbuddwa mu ssuula ki ey'olugero? (obubonero 02)
- (iii) Bintu ki ebiraga obunaku bwa Mbayiwa balyoke bamugambe "Akajja obunaku keemanya."? (obubonero 08)
- (iv) Nzige ki Mbayiwa z'abuuka nazo mu lugero? (obubonero 08)

R.N.N KABOGGOZA: Amaggwa n'Emitego mu Buvubuka

Ddamu 4(a) oba 4(b)

- 4(a) Nyonyola ebintu ebisangibwa mu bulamu bwaffe obwabulijjo Ruth Kaboggoza bw'atugirayo mu lugero lwe Amaggwa n'Emitego mu Buvubuka. (obubonero 20)

Oba

- (b) Soma ekitundu kino n'oluvannyuma oddemu ebibuuzo ku nkomerero yaakyo.

".....wabula okwekkaanya ng'alaba ali wa Ssengaawe, bayomba amuvuma, amulangira era ng'amusibiddeko addeyo ewaabwe ye tayinza kusobola mwana wa kyejo. Mu maziga amangi bwegatyo yawawamuka ne yeebuza kyeyali aloose kye kitegeeza.

Ebibuuzo

- (i) Ssenga ayogerwako mu mbooji eyo ye ani? (obubonero 02)
(ii) Laga okukalubirirwa mu bulamu ayogegerwako mu mbooji eyo kw'afunira ewa Ssengaawe. (obubonero 10)
(iii) Ssenga ayogerwako akyusa atya obulamu bwa zzootoota we? (obubonero 08)

P. NAKITTO: Nze Mbimaze

Ddamu 5(a) oba 5(b)

- 5(a) Bw'osoma omuzannyo "Nze Mbimaze" tolema kwennyamira ku ngeri abakazi mu muzannyo guno gye batulugunyizibwamu. Leeta engeri za mirundi kkumi ezikakasa kino. (obubonero 20)

Oba

- (b) Soma ekitundu kino n'oluvannyuma oddemu ebibuuzo ku nkomerero yaakyo.

"Nze mukulu awaka, weewaawo kitaffe waali naye era tufaanana abatalina kitaabwe. Nnyaffe y'abadde atukolera buli kamu! Olwo ffe tusigadde wa?

Ebibuuzo

- (i) Omwogezi mu kitundu kino y'ani? (obubonero 02)
(ii) Byayogera abigamba ani? (obubonero 02)
(iii) Omwogezi mu kaseera ako, mbeera ki gy'ayolekedde? (obubonero 08)
(iv) Nyonyola ensonga omwogezi kwasinziira okulowooza ku nnyina okusinga kitaawe. (obubonero 08)

D. SSALI: Obuwoomi bw'Ekitontome

Ddamu 6(a) oba 6(b)

- 6(a) Ssali Damascus tosobola kumwawukanya ku buwangwa bwa nsi ye. Kino kyeyolese kitya mu bitontome "Obuwoomi bw'Ekitontome? (obubonero 20)

Oba

- (b) Soma ekitontome kino n'oluvannyuma oddemu ebibuuzo ku nkomerero yaakyo.

OMUBUULO

Natuukayo mu ggwanga
Ne nnyumirwa bya nsusso
Ebyambalo byali omwo
Eby'okunywa nga biri eyo.

Bwetwagukka ku kisaawe
Watundirwa amandaazi
Ne lukoya wamma ggwe
Ne tugalya amangu ago

Bwe wagiranga bw'oti
Kulegera nga ssaati
Okwewulunta erudda
Ow'empale ng'atuuse

Ekyanyuma ne kisukka
Bugologoosi enfaafa
Nga bwazina bannange!
Nasanyuka ne nsukka

Ebivuga eby'enjawulo
Obisangayo mu mubuulo
Amadinda n'engalabi
Emirere n'embuutu
Bayimbira eby'etuunzi
N'owulira ng'osanyuse
Baaniriza nnyo abaguzi
Basala ne ku bbeeyi

Abakozi ab'ebbeeyi
Obukazi obwa layisi
Agasajja ag'amaanyi
Obusajja nkyoloolo

Basuubula eby'amaguzi
Basuubuza bannaabwe
Oyitangako mu mubuulo
N'ogulayo ku nkejje

Ebibuuzo

- (i) Ekitontome kino kikuteeka mu mbeera ki? Menya embeera za mirundi esatu.
(obubonero 03)
- (ii) atuzimbidde atya ekitontome kino okutuuka okukinyumisa?
(obubonero 08)
Nga weeyambisa
- (iii) sitanza nya ezisooka, kopolola eby'okulabirako eby'ebifaananyi omuwandiisi
by'atusiigidde. (obuonero 06)
- (iv) amakulu g'ebigambo bino nga we bikozeeddwa mu kitontome
(obubonero 03)
- Mubuulo
- Eby'ettunzi
- Nkejje

A.J. NAMAGANDA: Ebitontome ebiseeneekerevu

Ddamu 7(a) oba 7(b)

- 7(a) Okwogeza ebitayogera kamu ku bukodyo Namaganda Kaasinga okweyambisa mu Ebitontome ebiseeneekerevu. Nokolayo Ebitontome bitaano omuli akakodyo ako olage ani atontoma mu buli kitontome n'ensonga enkulu bbiri z'atontomako.
(Obubonero 20)

Oba

- (b) Soma ekitontome kino n'oluvannyuma oddemu ebibuuzo ku nkomerero yaakyo.

EMIRIMU GYA LEERO

Gyafuuka kalimu nga tuginoonya
Gabeera galimu nga tukikwazza
Lwafuuka luwawo nga tubulonda
Giba bunaayira nga gya kulumba

Gyafuuka mwana wani wadde w'asoma
Obusimbi bwa buswazzi ng'onnyuka kiro
Atalina ndasi tagisobola
Gyaddukadduka ppoliisi ebayoola
Gya kwetandikirawo tolinda Gavumenti
Emisolo gya kachano kusaaga tewali
Ez'obupangisa ezo basasuza kizungu

Teekako okulya okwo buli kimu bumaali

Gyafuuka gya kizungu kkomputa buwaze sso
Nga tomanyi kuyiia ebyennusu biveeko
Gyafuuka gya kukeera nga n'essimu ekuli awo
Tegiriiko mukyala musajja yadde mwana.

Amaka twagasuula gafugibwa ba yaaya
Abaana twabavaako bazaalibwa bayaaya
Tusibula makya ago nga bakyebase abo
Ne tudda mu matumbi ng'ate beebase dda
Katonda twamuvaako mirimu gyatutwala
Obudde bw'okusinza tubeera mu kulejja
Tubeera mu mipiira tunyumya bya kiyindi
Olugambo lutususse tweddeko mikwano.

Mbakubira omulanga basuubuzi mikwano
Omulimu kitiibwa kitwale gwa muwendo
Tuyige okutereka gwe tozivaabira otyo
Ekisinga obulungi emirimu bugagga

Ebibuuzo

- (i) Nnyonnyola engeri ekitontome kino gye kizimbiddwamu. Leeta engeri za mirundi mukaaga. (obubonero 06)
- (ii) Nnyonnyola ku nsengeka ya sitanza esembayo mu kitontome kino. (obubonero 04)
- (iii) Bintu ki ebiyinda okusikiriza omuntu okusoma ekitontome kino? Leeta ebintu mukaaga. (obubonero 06)
- (iv) Laga amakulu g'ebigambo bino nga bwe bikozeeddwa mu kitontome. (obubonero 04)

- Obuswazzi
- Kacwano
- Kulejja
- tozivaabira

BIKOMYE